



Ein plan for trygg oppvekst i Vinje kommune!

Samordning av lokale rus- og
kriminalitetsførebyggjande tiltak
2023 - 2026



Erstattar SLT Verksemdsplan 2018 – 2021, godkjend i OVU 03.12.18, utv.nr 18/26, løpenr. ePhorte 23984/2018
Godkjend av SLT Arbeidsutvalet – 08.03.2023
Vedteken i KS 01.06.2023, utv.nr 56/2023, sak Elements 2022/2226-3

Innhold

SAMANDRAG	4
Når kan SLT gruppa koplast inn?	4
Førebyggjande arbeid og mål	4
Hovudsatsing 2023-2026	4
INNLEIING	5
Historia bak Samordning av Lokale rus –og kriminalitetsførebyggjande Tiltak.....	5
ORGANISERING SLT	6
Styringsgruppe og politiråd.....	6
Politirådsavtala	7
SLT-planar	7
SLT – koordinator	7
Funksjon som radikaliseringskontakt	7
Arbeidsutvalet	7
MÅL.....	8
MÅLGRUPPE	8
Primærførebyggjande arbeid - <i>Byggjande</i>	8
Sekundærførebyggjande arbeid - <i>Førebyggjande</i>	8
Tertiærførebyggjande arbeid - <i>Rus- og kriminalitetsførebyggjande</i>	9
VINJE SLTs SATSINGSOMRÅDER 2022 – 2025	9
Hovudsatsing.....	9
Ungdata	10
Lokalt Ungdata team	10
Vinjeungdomen - resultat av Ungdata undersøkingane i 2021.....	10
Ungdata	10
Ungdata Junior	11
FELLES SATSINGAR I VEST - TELEMARK	11
Arrangement.....	11
Førebyggjande kampanjar	11
Forankring felles satsingar	12
LOVVERK	12
FNs barnekonvensjon.....	12
Plan –og bygningslova	12
Forvaltningslova.....	12
Barnehagelova.....	12
Opplæringslova	13
Lov om barneverntenesta	13
Helse –og omsorgstenestelova	13
Politolova	13
PLANVERK	13
Kommuneplanens samfunnsdel 2016 – 2035.....	13
«Nullvisjonsplan»	14

Oppvekstplan	14
Kommunedelplan for Helse og meistring 2023 - 2030	14
Handlingsplan mot vald i nære relasjonar 2023 – 2025	14
Alkoholpolitiske retningslinjer 2020 - 2024.....	15
Ruspolitisk handlingsplan 2020-2024	15
Kommunal plan for førebyggjande arbeid	15
SLT TILTAKSPLAN 2022/2023.....	16
Sporadiske tiltak og prosjekt 2022/2023	16
Faste planar/team/tiltak/tilbod SLT 2022/2023.....	18
SLT UNDERVISNINGSPLAN FOR BARNEHAGANE OG SKULANE 2022/2023.....	23
Undervisningsplan for Vinjebarnehagen.....	23
Undervisningsplan for skule.....	24
KJELDER	25

SAMANDRAG

SLT står for **S**amordning av **L**okale rus –og kriminalitetsførebyggjande **T**iltak. SLT modellen skal sikre at dei førebyggjande ressursane i kommunen blir samkøyrde, og er difor ei tverretatleg *samordning*. Modellen er forankra i kommunen og politiet.

Når kan SLT gruppa koplast inn?

- Dersom du er bekymra for eit miljø eller trendar hjå barn og unge (på fritidsklubben, skulen, lag og foreiningar osv.)
- Dersom det er fleire saker i barneverntenesta av lik karakter, der barn og unge blir utsatt for, eller samlast rundt risikoåtfærd.
- Dersom politiet ser utfordringar som knyter seg til fleire personer med rus- og/eller valdsproblematikk, eller ana kriminalitet.
- Dersom bekymringa er knytt til hatytringar eller andre ekstreme miljø
- Positive tilbakemeldingar er også velkomne!

Førebyggjande arbeid og mål

Det eksisterer ulike former for førebyggjande arbeid:

- Byggjande = Primærførebyggjande
- Førebyggjande = Sekundærførebyggjande
- Rus- og kriminalitetsførebyggjande = Tertiærførebyggjande

For å utøve godt og kvalitetssikra førebyggjande arbeid, er det viktig med godt oversyn over ungdomsmiljøet i kommunen. Dette vil også vera noko av bakgrunnen for å setje i verk aktuelle tiltak. Ungdataundersøkinga som blir utført kvart tredje år, er med på å danne oversikt over stoda, i tillegg til kunnskapen blant medlemmane i SLT.

Slik blir det også enklare å definere ei hovudsatsing for samordninga i eit 3 – års perspektiv.

SLT er sett saman av ulike etatar og einingar, og ein har såleis ulike lovverk å forhalde seg til. I samordninga konsentrerer me oss difor om trendar og miljø blant unge, og ikkje enkeltindivid. Ein kan sjølv sagt diskutere generelle problemstillingar som kan vera knytt til enkeltindivid.

Hovudsatsing 2023-2026

- Halde fram med samarbeid på tvers i Vest – Telemark
 - ✓ i høve rus- og kriminalitetsførebygging
 - ✓ i samband med planen om «visjon: null drepne og skadde ved bruk av motoriserte køyretøy i Vest – Telemark»
- Tidlegare innsats når det gjeld generelle tiltak – ein må tenkje dei førebyggjande tiltaka i større grad inn i barnehagen, og barne- og mellomtrinn på skulane.

” Den generelle målgruppa er barn og unge under 18 år, og unge vaksne opp til 30 år.

Når det gjeld andre kommunale planar, er det viktig å sjå eit samband med desse, dømesvis *kommuneplanens samfunnsdel*. Med utgangspunkt i at **Vinje skal vera ein god stad å vera for alle**, må ein jobbe målretta for å sikre dette. Vinje SLT sørger fyrst og fremst for å få ein god informasjonsutveksling mellom dei involverte partane i arbeidsgruppa. Deretter definerer gruppa eventuelle utfordringar eller suksessfaktorar ut frå samfunnsbiletet og informasjonsflyten i gruppa. Arbeidsgruppa definerer såleis *kven* som skal få hovudansvaret for utfordringa, og *korleis* ein skal jobbe vidare – tiltak.

INNLEIING


Historia bak Samordning av Lokale rus –og kriminalitetsførebyggjande Tiltak

SLT - modellen blei utvikla av KRÅD (*Det Kriminalitetsforebyggende Råd*) etter inspirasjon frå den danske modellen SSP (*Skole, Social, Politi*). I dag er det KFK (*Kompetansesenter For Kriminalitetsforebygging*) som er ansvarlege for oppfølging av kommunane, og SLT blir nytta av om lag 200 norske kommunar. SLT er meint for å *sikre at ressursane som allereie er til stades i kommunen, blir meir samkøyrde og målretta*.

I samband med førebygging av radikalisering og valdeleg ekstremisme, er eitt av tiltaka frå sentralt hald at politiråda og SLT også skal koordinere dette arbeidet lokalt. Med bakgrunn i dette, er SLT koordinator oppnemnt som *radikaliseringskontakt*. Radikaliseringskontakta fungerer også som ein kontakt for politiet.

Samordningsmodellen knyt det lokale politiet tett saman med dei kommunale einingane og etatane, og sikrar samarbeid mellom fagpersonar og den øvste kommuneleiinga. Modellen skal koordinere kunnskap, kompetanse og ressursar mellom politiet og kommunale einingar. Modellen tek også høgde for at næringsliv og frivillige organisasjonar kan inkludrast i dette arbeidet. I **politirådsavtale 2023 – 2026** er det vedteke å ha ein kontaktperson i lokalt næringsliv, som kan kallast inn ved behov. På lik line kan ein kalle inn Frivilligkoordinator på vegne av frivilligheita.

ORGANISERING SLT



Figur 1: SLT modellen

Styringsgruppe og politiråd

Styringsgruppa fungerer også som Politiråd. Politiråd er eit formalisera samarbeid mellom lokalt politi og kommunale styresmakter, der målet er å bidra til samråd om kriminalførebygging og tryggleik i lokalsamfunnet.

Dette gjeld:

- kartlegging
- drøfting av verksemda
- utarbeiding av målsetjingar
- evaluering

For å lukkast med det tverretatlege samarbeidet, må SLT forankrast på høgste nivå i kommunen. Det må ligge ei bevisst politisk vilje bak. Våren 2013 blei det vedteke at Politirådet i Vinje også er Styringsgruppa i SLT. Politiråd består i hovudsak av formannskapet, lokalt politi og SLT koordinator.

SLT - arbeidet skal ikkje vera *eit tillegg til*, men *ein sentral del* av kommunen si verksemd. Det er styringsgruppa si sentrale oppgåve å innarbeide dette arbeidet i det lokale planverket. Styringsgruppa syter for dei nødvendige ressursane, både i høve personale og økonomi.

Aktuelle saker som skal til politisk handsaming skal bli drøfta i styringsgruppa fyrst. Dette forumet skal berre halde seg til dei heilt overordna diskusjonane.

” Styringsgruppa skal etablere dei overordna rammene for kommunen sin totale innsats for førebygging av rus, kriminalitet og ekstremisme.

Politirådsavtala

Dette er ei formalisering av samarbeidet mellom kommune og politi, med oversyn over satsingsfelt med underliggjande tiltaksområder. Dette speglar også ein del av satsingane i SLT.

SLT-planar

Det blei vedteke i Politiråd 5.mai 2022 å slå saman planverket for Vinje SLT; *SLT verksemdsplanen* er førande, og gjeld for 3 år. *Tiltaksplan* og *Felles undervisningsplan for barnehagar og skular* skal rullerast årleg, og er no lagt til same plandokument som verksemdsplanen som rullerande handlingsplandelar.

SLT – koordinator

I Vinje kommune er SLT koordinator lagt til *Tenesteområde for Kultur, næring og fritid*. SLT koordinator utgjør 30 prosent, og er lagt til *ungdomskoordinator* stillinga (ungdoms- og SLT koordinator).

SLT - koordinatoren bør ha ei viss tilknytning til rådmannsteamet for at han/ho skal få den autoriteten som ofte er naudsynt.

” **SLT koordinatoren er primus motor for samarbeidsmetoden, og skal vera ein pådrivar i alle ledd av samordninga.**

Funksjon som radikaliseringskontakt

SLT koordinator er oppnemnt som *radikaliseringskontakt*. Om ikkje Vinje er den største tettstaden, vil politiet gjerne ha ein kontakt i kommunen dei kan rette seg til ved til dømes eit endra trusselbilete. Her blir gjerne også Politirådet kopla på.

Arbeidsutvalet

” **Arbeidsutvalet skal vera eit organ som set i gang førebyggjande tiltak og prosjekt som er vedteke.**

I Vinje brukar ein ressursar frå Arbeidsutvalet til *nettverksgruppe* for skule og politi. Dette var etter pålegg frå politimeistarens leiargruppe om å ha eit forum der politi og skule kunne treffast. På bakgrunn av at Vinje SLT er godt etablert, og mange av dei same ressurspersonane også sit i andre fora, blir arbeidsutvalet å rekne som eit ressursteam. I ljøs av dette, har gruppa både *aktive* og *passive* medlemmar. Alle medlemmane har ansvar for å fremje saker, og alle får møteinnkallingar og referat. Skilnaden er at dei *passive* medlemmane møter ved behov, og

dersom dei har meldt inn saker. Det viktigaste er at informasjonsflyten i gruppa er god.

Medlemane i arbeidsutvalet representerer si eining, og skal vere eit bindeledd mellom eininga, SLT - koordinator og arbeidsutvalet. Dette krev at arbeidsutvalets medlemmar er oppdatert på det som skjer i eigen etat ved å innhente informasjon, og samtale med medarbeidarar som arbeider i fyrste line. Det same gjeld med tanke på å vera oppdatert kring ungdomsmiljøa og dei utfordringar me til ei kvar tid står overfor. Det krevjast økonomisk forutsigbarheit om arbeidsutvalet skal ha handlingsrom til å setje i verk tiltak og prosjekt. Det er difor vedteke at Arbeidsutvalet får øyremerkte midlar årleg.

MÅL

SLT vil arbeide med å få meir effekt ut av tiltak som allereie er sett i gang, ved at forskjellige etatar støttar og utfyller kvarande sitt arbeid. Slik skal kommunen sine barn og unge kunne få rett hjelp til rett tid av eit hjelpeapparat som fungerer godt på tvers av etatar og faggrupper.

Slik gjer me det:

- sikre informasjonsflyt
- identifisere og definere ev. utfordringar
- sikre eigarskap (kven skal jobbe med utfordringa/-ne? Kva eining/etat har hovudansvar?)
- konkretisere (korleis skal me jobbe med det?)



Målet til Vinje SLT er å sjå til at barn, unge og unge vaksne har trygge oppvekstvilkår!

MÅLGRUPPE

Generelt: Alle barn og unge under 18 år og unge vaksne opp til 30 år.

Tillegg: Dei føresette er særdeles viktige i det førebyggjande arbeidet, og kan såleis definerast som ein del av målgruppa.

Spesielt: Born og unge som

- veks opp under vanskelege forhold/utsette for omsorgssvikt
- gjer lovbrøt
- gjer / er i faresona for å gjere handlingar som er til skade for seg sjølv eller andre

Primærførebyggjande arbeid - *Byggjande*

Generell førebygging. Det vil seie *strategiar* og *tiltak* som blir sett inn ovanfor barne -og ungdomsgruppa som heilskap, for å styrke oppvekstmiljøet og såleis hindre negativ utvikling på eitt eller fleire områder. Til dømes opplysnings -og haldningskampanjar. Dømesvis i samband med resultat av undersøkingar som Ungdata.

Sekundærførebyggjande arbeid - *Førebyggjande*

Strategiar og *tiltak* overfor *einskildpersonar* eller *grupper* av barn og unge som det kan knytast bekymring til. Dette kan vere barn og unge som har kjende risikofaktorar og dermed kan bli definert som *utsette*. Tanken er å hindre vidareutvikling av sosiale problem, skader og helsesvikt, samt hindre utvikling av kriminell åtferd.

Tertiærførebyggjande arbeid - Rus- og kriminalitetsførebyggjande

Strategiar og tiltak for å hindre negative verknader av problem, skader, helsesvikt eller kriminalitet som allereie er oppstått. Tertiærførebyggjande arbeid er knytt til einskildpersonar, og har som føremål å finne løysingar som kan betre forholda og hindre forverring av problema – også kjend som omgrepet «brannsløkking».

VINJE SLTs SATSINGSOMRÅDER 2022 – 2025

Satsingsområda blir definert ut frå resultat frå *Ungdata* undersøkingane, *informasjonsdelinga* i møta, og *samfunnsdebatten*.

Hovudsatsing

- Halde fram med samarbeid på tvers i Vest – Telemark
 - ✓ i høve rus- og kriminalitetsførebygging
 - ✓ i samband med planen om «visjon: null drepne og skadde ved bruk av motoriserte køyretøy i Vest – Telemark»
- Tidlegare innsats når det gjeld generelle tiltak – ein må tenkje dei førebyggjande tiltaka i større grad inn i barnehagen, og barne- og mellomtrinn på skulane.

Vedtak i Politiråd 05.05.2022 (sak 4/2022) om satsingar å jobbe vidare med fram mot 2026. Satsingane er definert ut ifrå resultat Ungdata og Ungdata Junior, informasjonsflyten, og kva som rører seg i media og samfunnsdebatten.

Framover mot 2026 skal SLT jobbe endå meir med:

- **tidleg innsats** – starte på barnehagenivå! Utfordringar som tidlegare var i ungdomstrinnet, har no krabba nedover i klassetrinna.
- **haldningar**, og **konsekvensar** av ting me gjer, til dømes **ytringar** via **sosiale media**
- informasjon om **søvn**, og konsekvensar av søvnmangel. Mange 10-12 åringar får for lite søvn.
- informasjon om **tidsbruk av skjermtid**, og **grensesetjing** av dette. Fleire og fleire yngre i dag brukar meir tid på skjermbaserte aktiviteter.
- viktigheita av **fritidsaktiviteter**; både organiserte og uorganiserte. I Vinje kommune ligg me litt **under landsgjennomsnittet** i høve deltaking på faste fritidsaktivitetar.
- **Sosiale møteplassar** for barn og unge. Viktig i eit folkehelse- og livsmeistringsperspektiv.
- **haldningsskapande arbeid** generelt
- **tema porno** og **seksuell åtferd** knytt til dette; kva er naturleg og ikkje, kva er lov og ikkje lov.
- **tema vald** og **trakassering**, fysisk og på nett
- **psykisk helse**, herunder også sjølvdrap.
- førebygging av **vald** og **seksuelle overgrep**
- førebygging av **køyring i ruspåverka tilstand**

Ungdata

Ungdata er ei levekårsundersøking som tek opp dei fleste delar av ungdomane sine liv, og gjev eit bilete av korleis situasjonen er lokalt, men også regionalt og på landsbasis. Undersøkinga er såleis eit godt kartleggingsverktøy å bruke til samanlikning med andre kommunar, fylker eller landet generelt. Vinje kommune har også gjennomført **Ungdata Junior** for fyrste gong i 2021, og det er vedteke å bli med i **Ungdata+** frå 2023. Ungdata+ er ei longitudinell undersøking, som skal følgje same gruppe barn/unge frå 10 - 12 års alder til dei kjem opp i slutten av 30 åra. Det er eit samarbeid mellom forskingsinstituttet NOVA ved OsloMet, Fylkeskommunen, Universitetet i Sørøst-Norge, KoRus-Sør og dei aktuelle kommunane. SLT koordinator i Vinje er også med i ressursgruppa til utvikling av Ungdata+.

Lokalt Ungdata team

SLT koordinator er også koordinator for Ungdata undersøkinga lokalt.

I Vinje kommune har me eit eige **Ungdatateam**, sett saman av ressurspersonar med utspring frå SLT. Teamet kan variere frå gong til gong, men består av 3 – 4 personar. SLT koordinator er fast medlem, og ein ser det er tenleg med ressursar frå helse og skule. Andre aktuelle fagpersonar blir henta inn ved behov.

SLT koordinator blir også med i ressursgruppa til Ungdata+ saman med andre kommunar og instansar

Ein såg endringar i ungdomsgruppa i intervallet mellom undersøkingane i 2015 og 2018. Til dømes såg ein at fokuset på den psykiske helsa har gitt utslag i at fleire tør å erkjenne at dei slit. Det mest overraskande frå undersøkinga i 2021, er at den er slår ganske likt ut som i 2018, på tross av pandemien og lite sosialisering fysisk.

Dei nyaste Ungdata tala frå Vinje i 2021, syner at ingen ungdomsskuleelevar i kommunen har sitte på i bil der andre unge har vore sjåfør og ruspåverka. Men ser ein til Vest – Telemark vidaregåande skule, og dei litt eldre ungdomane, svarar 11,3 % av dei spurde at dei har vore passasjer i ein bil kor andre unge har vore sjåfør, og der føraren har vore ruspåverka. Problematikken kring køyring i ruspåverka tilstand er framleis eit faktum, og det er viktig at dette blir jobba meir med slik at dei føresette og ungdomane blir meir bevisste på *gode val* og *verdier*, og at der kan skje ei haldningsendring i høve køyring og rus. Dersom ein kan påverke dei unge til å stå saman for å bidra til eit trygt samfunn, er dette gode krefter i førebyggingsprosessen.

Vinjeungdommen - resultat av Ungdata undersøkingane i 2021

Ungdata

På tross av pandemien, er det overraskande små skilnader frå 2018 til 2021 Ungdata undersøkingane; særskild liten skilnad i korleis ungdomane svara på spørsmål kring trivsel og tryggleik, kor nøgde dei er med ulike sider av livet, og venerelasjonar.

Hovudbiletet av ungdomane i kommunen, er at dei fleste har det bra, og er nøgde med lokalmiljøet! Det store fleirtalet er nøgde med foreldra sine, og Vinjeungdomane ligg godt over landsgjennomsnittet når det gjeld å vera nøgd med skulen dei



går på. Dette syner at førebyggjande arbeid har effekt, og det er viktig å halde fram med arbeidet kring nettvett, biletdeling, vald, overgrep og haldningsskapande arbeid generelt.

Ungdata Junior

Ungdata junior er ei levekårsundersøking blant 5. – 7.klasse. Den blei gjort for fyrste gong i Vinje kommune i 2021. Junior undersøkinga er ikkje like omfattande som ungdata for ungdomstrinnet. Det er færre spørsmål.

Undersøkinga syner til ein jamt over god skulekvardag, både fagleg og sosial. Det kjem også fram at Vinje er ein god og trygg stad å bu. Det kjem også tydeleg fram, at dei utfordringane ein tidlegare såg i ungdomsskulen, finn ein no på mellomtrinnet; til dømes auka bruk av mobiltelefon og internett. Vinje ligg over snittet i landet i aldersgruppa 5.-7.kl, når det gjeld å skrive sårande ting *til* andre eller *om* andre via nett eller mobil. Dette gjeld også det å oppleve negative hendingar på nett eller mobil. I tillegg oppgjer ein god del at dei søv færre timar enn det som er tilrådd denne aldersgruppa. Tilråding søvn for barn i alderen 10 – 12 år er mellom ni og ti timars søvn.

Presentasjon frå Ungdata undersøkingane ligg ute på heimesida under «SLT».

Informasjonsdelinga i dei månadlege arbeidsutvalsmøta er avgjerande for å drive det rus- og kriminalitetsførebyggjande arbeidet framover. Ein god informasjonsflyt gjer det enklare for dei ulike instansane å danne seg eit bilete av nosituasjonen, om ein må setje inn tiltak, og eventuelt kven som skal ha hovudansvaret vidare dersom det er ei utfordring å ta tak i. Dette er også definert i avsnitt lengre opp under «mål».

Media og samfunnsdebatten er også med på å styre retninga på satsingar i det førebyggjande arbeidet. Trendar i samfunnet påverkar også små miljø som i Vinje, om det er negative eller positive trendar. Difor er det naudsynt å ha eit overblikk over samfunnet generelt.

Media kan vera ein god medspelar for å få fram budskap. Difor skal Vinje SLT ha god dialog med lokal avis, og gjera dei kjende med vårt arbeid og satsingsfelt.

FELLES SATSINGAR I VEST - TELEMAR

Arrangement

Dagens ungdom ynskjer og treffast meir på tvers av bygd- og kommunegrenser. Det er blitt arrangert konsertar og andre arrangement, der ungdomar frå Vest – Telemark og andre stader, er invitert. Det har vore suksess med å setje opp transport til desse arrangementa

Førebyggjande kampanjar

Det er i gang eit arbeid knytt til kampanje mot køyring i ruspåverka tilstand. Prosjektet handlar om å produsere nokre filmsnuttar som syner omfanget av ulykker knytt til ruskøyring,

og kva konsekvensar det får. Også for dei etterlatne. Fleire av Vest – Telemark kommunane er med, etter initiativ frå Bamble.

Forankring felles satsingar

Nullvisjonsplanen «null drepne og skadde ved bruk av motoriserte køyretøy i Vest – Telemark» blir å rekne som ein viktig plan for noko av det førebyggjande arbeidet på tvers av Vest – Telemark kommunane. Les meir under «planverk».

LOVVERK

Dei ulike partane i SLT samordninga har forskjellige lovdata å ta omsyn til. Noko er overordna for alle (FNs barnekonvensjon), medan andre lovar gjeld spesielt for den enkelte profesjon.

FNs barnekonvensjon

Dette er konvensjonen som omhandlar barns rettigheter.

Syner til kortversjon av konvensjonen (www.regjeringen.no) nr. 41 om at «dersom andre nasjonale eller internasjonale lover som staten har vedteke, sikrar barnet betre enn med denne konvensjonen, gjeld desse lovene, og ikkje konvensjonen».

Nr. 42, «staten har plikt til å gjere innhaldet i konvensjonen kjend for barn og vaksne».

Plan –og bygningslova

Plan –og bygningslova inntretr som ei aktuell lov, gjennom §3-1, fyrste ledd, bokstav f. Frå 2009 forplikta denne lova kommunale planleggjarar til å ta kriminalitetsførebyggjande omsyn i planprosessane. Dette med bakgrunn i at vald, trakassering, mobbing og rus oftast skjer der bygg eller vegetasjon skaper blindsoner utan oversikt. Lovbrytarar søker seg ofte til dei stadene med enkel åtkomst, gode skjulestader, mange alternative fluktruter, dårleg belysning og lite ferdsel – gjerne i randsoner med forfalne omgivnader som røper at ingen tek ansvar for området. No er det altså ei plikt i kommunal planlegging å ta omsyn til dette når ein planlegg nye bustadområder, områder for næringsverksemd, skular og anna.

<https://lovdata.no/dokument/NL/lov/2008-06-27-71?q=plan%20og%20byggningsloven>

Forvaltningslova

Lov om handsamingsmåten i forvaltningssaker, **forvaltningslova**, gjeld for kommune og stat. §1 (lovas generelle virkeområde) seier blant anna at «*loven gjelder den virksomhet som drives av forvaltningsorganer når ikke annet er bestemt i eller i medhold av lov. Som forvaltningsorgan reknes i denne lov et hvert organ for stat eller kommune.*»

<https://lovdata.no/dokument/NL/lov/1967-02-10?q=forvaltningsloven>

Barnehagelova

Barnehagane viser til barnehagelova - **Lov om barnehager (LOV-2005-06-17-64)**

<https://lovdata.no/dokument/NL/lov/2005-06-17-64>

Opplæringslova

Skulane er knytt til opplæringslova – **Lov om grunnskolen og den vidaregåande opplæringa (LOV-1998-07-17-61)** <https://lovdata.no/dokument/NL/lov/1998-07-17-61>

Lov om barneverntenesta

Barnevernsamarbeidet i Vest – Telemark syner til **Lov om barneverntjenester (LOV-1992-07-17-100)**, som regulerar barneverntenesta sitt arbeid i kommunen.

<https://lovdata.no/dokument/NL/lov/1992-07-17-100?q=barnevernsloven>

Lov om endringer i barnevernsloven (LOV-2022-06-17-45)

<https://lovdata.no/dokument/LTI/lov/2022-06-17-45>

Helse –og omsorgstenestelova

Helsesektoren er knytt til **Helse –og omsorgstenestelova (LOV-2011-06-24-30)**

<https://lovdata.no/dokument/NL/lov/2011-06-24-30>

Helsepersonellova (LOV-1999-07-02-64)

<https://lovdata.no/dokument/NL/lov/1999-07-02-64?q=helsepersonellova>

Lov om endringer i pasient- og brukarrettslova, helsepersonellova m.m. (styrking av rettsstillinga til barn ved yting av helse- og omsorgstenester m.m. LOV-2017-06-16-53)

<https://lovdata.no/dokument/NL/lov/2017-06-16-53?q=Lov%20om%20endringar%20i%20pasient->

Ulike forskrifter frå **Helse –og omsorgsdepartementet**.

Politiлова

Politiлова (LOV-1995-08-04-53) gjeld for politiet, der ansvar og mål kjem fram av §1 –

«*Staten skal sørge for den polititjeneste som samfunnet har behov for. Polititjenesten utføres av politi –og lensmannsetaten. Politiet skal gjennom forebyggende, håndhevende og hjelpende virksomhet være et ledd i samfunnets samlede innsats for å fremme og befeste borgernes rettssikkerhet, trygghet og alminnelige velferd for øvrig.*».

<https://lovdata.no/dokument/NL/lov/1995-08-04-53?q=politiлова>



**Visjon Vinje
kommune: «Vinje
utfordrar framtida!»**

PLANVERK

Kommuneplanens samfunnsdel 2016 – 2035

Vidare seier planen at hovudsatsingsområdet i samfunnsdelen er: «Vinje – ein god stad å vera for alle» (Komm.plan/samfunnsdelen s.4)

Dette er gode utgangspunkt for SLT sin verksemdsplan, samt anna planarbeid i kommunen. Innan 2035 er til dømes eitt av måla i samfunnsdelen at *barn og unge har trygge oppvekstvilkår og gode, utfordrande leike –og meistringsarenaer*. For å sikre dette, blir det førebyggjande arbeidet viktig.

«Nullvisjonsplan»

«Nullvisjonsplan» for Vest – Telemark: «Null drepne og hardt skadde ved bruk av motoriserte kjøretøy i Vest – Telemark»

I februar 2021 vedtok Vest-Telemarkrådet at ein startar opp arbeidet med å utarbeide ein såkalla «nullvisjonsplan». Dette var etter sterk oppmoding frå politiet.

Ei arbeidsgruppe med deltakarar frå Vest-Telemarkrådet, kommunane og politiet har jobba fram eit forslag til plan, som består av fem delar. I del 5 er det forslag til 3 fellestiltak:

1. Bruke å utvikle haldningskampanjar retta mot ungdom og unge vaksne
2. Regional skyssordning på kveld og helg – «Trygt heim»
3. Innføre ordninga «nullvisjon Vest-Telemark», etter modell frå Agder: tilsette ein person som skal samordne arbeidet, utvikle kurs og arrangement og samarbeide med frivilligheita og kommunane i Vest – Telemark.

Oppvekstplan

Overordna oppvekstplan som blir jobba med felles i Vest-Telemark. Skal også utarbeidast ein eigen for Vinje. Ein plan der ulike einingar som t.d. skule, barnehage, FAU, elevråd, ungdomsråd, ungdoms- og SLT- koordinator og helse blir involvert i arbeidet. Planlagt ferdig skuleåret 2023.

Kommunedelplan for Helse og meistring 2023 - 2030

Det blir jobba med ein Kommunedelplan for Helse og meistring, planperiode 2023 – 2030. Dette er ei prioritert planoppgåve, og er å sjå på som ein delplan til kommunedelplanen sin samfunnsdel. I likskap med denne skal den samordnast med annan kommunalt planverk og kommunen sin økonomiplan for dei næraste fire åra. Planen har eit tidsperspektiv fram mot 2030. Det er per februar 2023 lagt fram eit utkast til revidert Kommunedelplan for Helse og meistring.

Føremålet med planen er:

- Å ha eit overordna styringsverktøy for helse- og meistring som sikrar oppfylling av juridiske plikter, og er i tråd med nasjonale og lokale føringar og framtida utfordringsbilete.
- Å skissere retning for tenestene som sikrar framtidsretta og pasientorienterte tenester i tråd med kommunen sitt samfunnsoppdrag
- Å synleggjere utfordringar og peike ut satsingsområde og strategiar
- Å sikre eit effektivt og forpliktande samarbeid mellom politikk, administrasjon og tenesteytande nivå
- Å syte for deltaking og medverknad frå tilsette og innbyggjarar arbeidet med å utforme eit styringsverktøy for Vinje kommune sine tenester innom Helse og meistring for dei neste 10- 15 åra.

Handlingsplan mot vald i nære relasjonar 2023 – 2025

Vald og seksuelle overgrep i nære relasjonar er sett på dagsordenen i kommunen. Det er vedteke i SLT at det annakvart år skal arrangerast ei eiga temaveke med «*vald og seksuelle overgrep i nære relasjonar*» som overskrift.

I året mellom kvar temaveke skal det vera ulike innslag inn i barnehage og skule.

Vinjebarnehagen og Vinjeskulen skal ta med tema og sjølv temaveka inn i planlegging av skuleåret kvart år; neste temaveke blir veke 10 i 2024.

Handlingsplanen blir også sett i samband med fleire andre planar i kommunen; *kommunedelplan for helse og omsorg 2017 – 2030*, som igjen refererer til bl.a. *samhandlingsreforma* (St.meld. nr. 47, 2008 – 2009).

Alkoholpolitiske retningslinjer 2020 - 2024

Det står i innleiinga for retningslinjene at Vinje kommune sine alkoholpolitiske retningslinjer skal sikre ansvarleg alkoholhandtering ved å

- *regulere tilgjenge*
- *sette vilkår for sals- og skjenkeløyver*
- *føre kontroll med løyvehavarane*

Kommunen sine retningslinjer tek utgangspunkt i lov og forskrift, i tillegg til kommunale alkoholpolitiske prioriteringar slik dei kjem fram i alkoholpolitisk handlingsplan.

Her er **alkohollova** sentral (LOV-1989-06-02-27, Helse –og omsorgsdep.)

<https://lovdata.no/dokument/NL/lov/1989-06-02-27?q=alkohollova>, samt **alkoholforskrifta** (FOR-2005-06-08-538, Helse –og omsorgsdep.) <https://lovdata.no/dokument/SF/forskrift/2005-06-08-538?q=alkoholforskriften>

Kommunen har praksis for vedtak om sals- og skjenkeløyver. Her er det viktig med kjennskap til ungdomskultur og ruskultur, i høve korleis ein bør regulere løyva. Korleis bør det vera i høgtider til dømes.

Ruspolitisk handlingsplan 2020-2024

I kommunen sin ruspolitiske handlingsplan er føremålet med planen å:

- *Få oversikt over kva den einskilde instans i kommunen gjer i høve rusførebyggjande arbeid*
- *Vidareutvikle tiltak og tverrfagleg samarbeid for å redusere sosiale og helsemessige problem knytt til rus basert på lokale utfordringar*
- *Sikre ansvarleg alkoholpolitisk praksis*

I tråd med dei nasjonale satsingsområda, på bakgrunn av tilgjengeleg kunnskap om rusbruksituasjonen, herunder alkoholbruk i Vinje kommune, samt føringane i Alkohollova § 1, er det overordna målet for den ruspolitiske handlingsplanen:

Å avgrense dei samfunnsmessige og individuelle skader som rusbruk kan føre til gjennom å førebygge og redusere rusmisbruk hjå born, unge, vaksne og eldre.

Kommunal plan for førebyggjande arbeid

Planen skal beskrive kva som er målet med det førebyggjande arbeidet, korleis arbeidet skal organiserast og fordelast mellom etatane i kommunen, og korleis etatane skal samarbeide. Vinje kommune ser på planverket for samordning av lokale rus- og kriminalitetsførebyggjande tiltak (SLT) som dekkjande for det førebyggjande arbeidet, også innan omsorgssvikt og åtferdsproblematikk. SLT er godt organisert og fordelt mellom ulike einingar og etatar i kommunen. Gjennom modellen er det også godt implementert korleis einingane og etatane skal samarbeide.

SLT TILTAKSPLAN 2022/2023

Tiltaksplanen er ei utdyping og konkretisering av mål og satsingar i verksemdsplanen. Tiltaksplanen rullerast årleg og følger skuleåret. Planen syner kva tiltak me har i kommunen som fell inn under *førebygging*; alt frå skulematordninga til tilskipingar. Planen er dela i to delar: fyrste del er oversyn over tiltak/prosjekt som kan variere og er laupande frå år til år. Andre del syner det kontinuerlege arbeidet frå partane i samordninga SLT, og oversyn over dei ulike fora som finns i kommunen.

Sporadiske tiltak og prosjekt 2022/2023

Kva	Kvifor	Kven/ ansvar	Når	Status
Diverse arrangement for ungdom gjennom året.	Det er viktig med varierende tilbod for ungdommane på fritida: kulturskulen, idrett, og andre sos. møtestader	Ungdoms- og SLT koordinator / Kultur i samarbeid med aktuelle aktørar.	Gjennom heile skuleåret.	Sporadisk gjennomføring.
16. mai arrangement	Ein del ungdom trekkjer ut av kommunen t.d. 16.mai. I staden for å drive «brannslukking» å stille med natteramnar på Dalen, er tida inne for å tenkje annleis. Kva med å ordne i stand eit stort rusfritt arrangement i Vinje, som tiltrekker ungdomane hit i staden?	Kultur, næring og fritid/SLT i samarbeid med aktuelle aktørar.	16.mai 2023.	Om dette kan bli eit årleg arrangement, kan det tenkjast å veksle på med andre kommunar.
LAN - party	Sikre varierte tilbod til ungdomane. Undersøkingar syner at møtestader der datainteressera ungdom kan møtes, er viktig!	Samarbeidsprosjekt mellom Frivilligsentralen, Folkeakademiet og Biblioteket.		Sporadisk, 4 gonger i året.

Kva	Kvifor	Kven/ ansvar	Når	Status
Ferieaktivitetar for ungdom	Gje alle ein moglegheit til å vera med på noko i feriane til ein svært billig penge. Mat, transport og ev. inngang inklusivt.	Ungdoms- og SLT koordinator og ass. Rådmann/Oppvekst-integreringsansvarleg og Frivilligheitskoordinator.	2023.	Planlegging i førekant av feriane. Tilskot Bufdir i 2022 for åra 2022, 2023, 2024.
Ungdomsklubbar	Ungdomane treng ein stad å «henge» / treffe andre utan organisera aktivitetar. Møtast over bygdegrensene. Samhald. Inkludering.	Ungdoms- og SLT koordinator og styret i dei ulike klubbane.		Det er i fyrste kvartal av 2023 drift av ungdomsklubbar i Rauland og Edland. Det er også planlagt drift av ungdomsklubb i Åmot i løpet av 2023.
Temadag / kveld	Orienterer om satsingsområder i det førebyggjande arbeidet i kommunen. Eventuelt fokusere på eit aktuelt tema. Forelesar/opplegg blir bestemt i samband med tema og økonomi.	SLT	2023	2023 – Edland har gjennomført eit vellykka opplegg om nettvett. Dette er noko også dei andre skulane ynskjer å gjennomføre.
Lesekonkurranse i feriane - Sommarles	Tiltak for å auke leselysta blant barn! Konkurranse med premiar.	Biblioteket	Sommarferien 2023.	
Samarbeid med ungdomsklubbane og nabokommunar	Legge opp til attraktive møtestader og arrangement.	Ungdoms- og SLT koordinator i samråd med til dømes skulane, FAU, andre ungdomsleiarar, ungdomsklubbar, nabokommunar.	Kvar vår/haust og ved særskilde «kritiske» datoar.	I 2023 er det arrangert og planlagt fleire rusfrie arrangement rundt om i Vest-Telemark. Tokke i 10.februar, Vinje i 16.mai, Kviteseid i 16.juni, Fyresdal i haust.

Faste planar/team/tiltak/tilbod SLT 2022/2023

Kva	Kvifor	Kven/ ansvar	Når	Status
Felles undervisningsplan for barnehagar og skular	Felles retningslinjer for alle barnehagar og skular i Vinje kommune om viktige tema	Barnehagane og skulane	Planen skal vurderast før kvart barnehage- og skuleår. Barnehagane og skulane er ansvarlege for dette.	Oppdatering for skuleåret 2022/2023: Opplegg knytt til tema «vald / overgrep i nære relasjonar» må inn i planen, samt implementering av « <i>Trafikksikker kommune</i> ».
Betre Seksualundervisning i skulane	Eige prosjekt.	Helse / Helsesjukepleiar	2021 - 2023	Dette er eit positivt resultat av mellom ana ynskje og sak frå Ungdomsrådet om betre seksualundervisning i skulane.
SLT Styringsgruppa/ Politiråd 	Gruppa etablerer dei overordna rammene for kommunen sin totale innsats for førebygging av rus, kriminalitet og ekstremisme. Dei syter for dei naudsynte ressursane (personale, økonomi)	Politiet, kommunal leiing, SLT koordinator	1 – 2 gonger i halvåret.	To funksjonar: Styringsgruppe og Politiråd . Det skal bli sett av separat tid til SLT saker ved behov.
SLT Arbeidsutvalet 	Dei som jobbar med barn og unge i lokalmiljøet har ulike fora dei nyttar til å ta opp saker. Desse «mindre» foraene jobbar særleg med individuelle saker, men skal også løfte generelle utfordringar vidare til SLT arbeidsutvalet.	SLT koordinator ansvar for innkalling/organisering/ref erat	<i>Arbeidsutvalet</i> har møter minimum 4 gonger i halvåret.	Fylgjer eigen møteplan. Møta er lagt til onsdagar.
SLT-arbeidsutvalet som nettverksgruppe	Krav til alle politidistrikta om å etablere <i>nettverksgrupper</i> på skular med ungdomstrinn og VGS i alle kommunar i Telemark. Dette for at politiet skal ha eit møtepunkt på skulane.	Dette kravde <i>ny</i> organisering av SLT, og me innførte ordninga med <i>aktive</i> og <i>passive</i> medlemmer. Alle medlemmane har høve til å melde inn saker, og gruppa kan møtast på kort varsel.	Tredde i kraft 19.08.2016	

	Nettverksgruppene må vera tverrfagleg sett saman, og møtast 6 gonger i året: <i>SLT-arbeidsutvalet i Vinje er godkjend som nettverksgruppe.</i>	Dei <i>aktive</i> medl. møter i alle møta, dei <i>passive</i> blir særskilt innkalla.		
Barneteamet 0–18 år	Tverrfagleg samarbeid om barn frå 0 – 18 år. Verktøy: COSP (Tryggleikssirkelen) TIBIR (Tidleg innsats for barn i risiko)	Helse. Teamet består av: • psykisk helse • barnehage / skule • helsesjukepleiar • fysioterapeut	Teamet møter 1 gong/månad	Målsetjing: «Barneteamet skal gjennom rettleiing hjelpe foreldre til å skape trygge rammer for barns oppvekst og utvikling».
Skulehelseteam	Skulane sitt eige team.	Teamet består av: • helsesjukepleiar • psykisk helse • sosiallærar • verksemdsleiar/ rektor		
Læringsmiljøteamet 	Resultat etter arbeidet med Inkluderande barnehage- og skulemiljø (IBSM)	Koordinator Grethe Seim. Teamet består av representantar frå • barnehage • SFO • grunnskule • vidaregåande skule • skulehelse-tenesta • ungdoms- og SLT koordinator • PPT • mobbeombodet	Frå hausten 2022.	Dette er eit tverrfagleg rettleiingsteam, som skal jobbe for å: -støtte barnehagane og skulane i arbeidet med å sikre at barna i Vinje har eit trygt og godt barnehage – og skulemiljø. -jobbe førebyggjande, og vidareføre mykje av det IBSM prosjektet tok for seg. - gje rettleiing til barnehagar og skular i nokon enkeltsaker, der barn og unge ikkje har eit trygt og godt barnehage/skulemiljø.
FAU (Foreldras arbeidsutval)	Sikre reell medverknad frå foreldre å ha medansvar for at elevane sitt læringsmiljø er trygt og godt.	Skulen og leiar for FAU.		FAU kan kalle inn ressursar frå SLT.

Kva	Kvifor	Kven/ ansvar	Når	Status
Vinje Ungdomsråd	I tråd med ny kommunelov haust 2019. For ungdom f.o.m. 8.kl t.o.m. 19 år (kan ikkje vera fylt 19 år på valtidspunktet).	Ungdomane i samråd med leiinga.	Val kvart 2.år. Neste i oktober 2023. Møter blir satt opp i politisk møteplan. 3-4 møter i halvåret.	Ungdomsrådet har legitimitet på lik line med «råd for eldre og personar med funksjonsnedsetting» t.d. Oppmode om å bruke rådet, melde inn saker.
Ungdata og Ungdata Junior	Levekårsundersøking for 5.-7.kl (junior) og 8. – 10.kl. Får oversyn over korleis ungdomane har det i kommunen.	SLT. SLT koordinator er kontaktperson og koordinator for undersøkinga.	Kvart tredje år.	Gjennomført i: 2015 2018 2021 Neste: 2024
Ungdata+	Longitudinell levekårsundersøking som skal følgje barn/unge frå 10-12 år til slutten av 30 – åra. Fyrste undersøking i april 2023 – 5.-7. trinn blir inviterte.	SLT i samarbeid med KoRus Sør, fylkeskommunen og NOVA forskingsinstitutt. SLT koordinator er kommunekontakt og sit i referansegruppa. Skulane blir sentrale i samarbeidet.	2023, 2026... NOVA må halde den vidare kontakten med elevane, når dei blir eldre og ikkje er knytt til grunnskulen lengre.	Avtale er signert anno 15.september 2022. Skulekontaktar er valt og vidareformidla til NOVA.
Ungdatateam	Handsame dataane frå Ungdata. Analyserar undersøkinga, plukkar ut essensen og formidlar dette. Får med ungdomane aktivt i prosessen der det er naturleg. God kontakt med media gjennom prosessen.	SLT – koordinator ++ Samansetnaden av medlemne i teamet kan variere. Men ein ser at det er gunstig å ha med helsesjukepleiar, skule og ungdomsrepr.	Planleggingsmøter og oppfølging. Analyse og presentasjon etter gjennomføring.	Presentasjon av resultat for: • <i>elevlar / lærarar</i> • <i>føresette</i> • <i>politikarar og andre</i> • <i>media</i> Presentasjon leggst ut på heimesida.
Ungdata - konferansen	Oppfølging av Ungdata. Nasjonale tal blir lagt fram. Positiv oppleving for ungdomsrepr. Sjå om lokale tal frå Vinje skil seg ut eller samsvarar med nasjonale tal.	• SLT lokalt • Telemark Fylkeskommune • KoRus Sør • USN • EO (ElevOrg.) • Telemark Ungdomsråd	Hausten det året Ungdata har vore utført.	Hausten 2024.

Kva	Kvifor	Kven/ ansvar	Når	Status
Tema Vald og overgrep i nære relasjonar / Temaveke	SLT arbeidsutvalet har vedteke at me skal ha ei slik temaveke annakvart år, og små «drypp» i åra mellom; t.d. kompetansehevande tiltak osv.	SLT.	Neste temaveke: 2024.	Barnehagane og skulane må finne ut korleis dei skal jobbe med dette temaet i 2023.
UKM «Ung Kultur Møtes» 	Ein arena for unge til å skape noko nytt, inspirere, lære av kvarandre å ha det moro! Aldersgruppe 10 – 20 år.	Kulturskulen.	11.februar 2023	
Rockemusikal/ Storkonsert	Ein samlingsarena for 8.klassene i kommunen. Scene- og meistringsøving!	Kulturskulen.	Våren 2023.	Vart endra i 2023 frå rockemusikal til ein storkonsert der elevane får større rom for å velje kva dei vil delta med.
Tryggleikstiltak	Radikalisering og valdeleg ekstremisme inngår som ein del av det førebyggjande arbeidet.	Vinje kommune / radikaliseringskontakt (=SLT koord.), i samråd med politi og brannvesen.	Ved behov, eller endra samfunnsbilete.	
SFO tilbodet	Gratis tilbod 1.klassingane. Utvida SFO tilbod for mellomtrinnslevane.		Skuleåret 2022/2023.	
Skulematordninga	«Gratis skulemat førebygger mobbing og utviklar sosial kompetanse blant ungdom» • auke trivsel • viktig sett i eit folkehelse - perspektiv • sørger for at alle får tilbod om eit skikkeleg måltid i løpet av dagen • føre - byggjande	Skulane.	Skuleåret.	SLT stør opp om denne ordninga!

Inforunde på skulane ved ungdoms- og SLT - koordinator	Informere ungdomane om ulike aktivitetar og tilbod framover. Viktig å skape ein relasjon til dei i målgruppa. Tiltak for å prøve og nå ut til flest mogleg.	Ungdoms- og SLT koordinator, gjerne også i samråd med Frivilligheitskoordinator.	Etter avtale med skulane. I førekant av arrangement.	August 2022: Presentasjon av ny ungdoms- og SLT koordinator. Januar 2023: Presentasjon av ny ungdoms- og SLT koordinator og Frivilligheitskoordinat or.
---	--	---	---	---

SLT UNDERVISNINGSPLAN FOR BARNEHAGANE OG SKULANE 2022/2023

Barnehagane og skulane har ansvaret for den årlege rulleringa av denne planen. Undervisningsplanen er eit supplement til skuleruta, og gjev eit oversyn over ulike tema i barnehage og skule, kven som har ansvaret for gjennomføring, og kva faglege ressursar som trengst. Plandokumentet er felles for Vinjebarnehagen og Vinjeskulen. Her har ein eit godt knippe fagfolk gjennom samordninga (SLT). Som eit døme blir politiet bruka som ressurs til temaet *lovbrot og konsekvensar*, i ungdomsskulen, særleg kring temaet køyring og rus. Her kan ein relatere til det haldningsskapande arbeidet.

Undervisningsplan for Vinjebarnehagen

Aldersgruppe	Tema	Tidspunkt	Ansvar	Ressurs
Born/føresette	Barns seksualitet	Foreldremøte – hausten/våren Undervisningsopplegg m/barna gjennom heile året Foreldresamtalar	Barnehagen Barnehagen	Kanvas/kroppen min eier jeg/ flippover – Stine sofie stf (barnehagepakke)
Born/føresette	Vald/overgrep	Foreldremøte – haust/vår Undervisningsopplegg m/barna gjennom heile året Foreldresamtalar	Barnehagen Barnehagen	Kroppen min eier eg Kanvas Flippover, Stine sofie stf (barnehagepakke) Æemæ Eg veit.no
Foreldre til born i alle aldrar	Foreldrerolle og- nettverk Tema kan vere: Tryggleik, trygge born, grensesetting	Foreldremøte – ein gong pr. år, og etter behov, i samråd med Foreldrerådsleiar	Barnehagen FAU	Helsesjukepleiar Psykiatrisk sjukepleiar for born og unge Ander aktuelle kurshalderar
Born/føresette	Vinje kommune Trafikksikker kommune	Utarbeide plan for – barnehagen i høve til Trafikksikker kommune. Implementere planen	Barnehagen	Trygg trafikk

Undervisningsplan for skule

Klasse	Tema	Tidspunkt	Ansvar	Ressurs
1. – 10.	Frå eldst til yngst Plan for trygge overgangar i skulen	Gjennomføre tidleg innsats etter plan	Skulen verksemdsleiar	
1. – 10.	Vinje kommune – Trafikksikker kommune Plan for trafikktryggleik	Gjennomføre undervisning med tema frå 1.-10.kl. utifrå eigen plan	Skulen v/kontaktlærer	Trygg trafikk
1. - 10.	Handlingsplan mot vald og overgrep i nære relasjonar	Veke 7 Hovudsatsing med eige program annakvart år	Skulen Verksemdleiar	Helse
1. - 10.	Betre seksualundervisning i skulen Plan for informasjon, verdival og haldningar til seksualitet.	Gjennomføre etter plan	Skulen verksemdsleiar	Helse
1. - 10.	TIBIR Tidelg innsats for barn i risiko.	Heile året.	Verksemdsleiar	Barneteam
8. - 10.	Lovbrot og Konsekvensar. <i>Konsekvensar av lovbrøt, aktuelle lokale ungdomssaker som; rus, trafikk, scooterkøyring, mopedkøyring skadeverk, mobbing/ærekrenking, nettvett osv.</i>	Kvart år. Samle ungdomsskulen 1 time. Tema utifrå kva som er viktig i ungdomsgruppa.	Ungdoms-skuleteam Tek kontakt med politi for å avtala tidspunkt.	Politi.
8.	Motorferdsel i utmark og tryggleik i fjellet. <i>Fokus på å ivareta nasjonale miljøverdiar og førebygge miljøkriminalitet. Opplæring i skred og trygg ferdsel på is.</i>	Vinterleirskule for 8. klasse	Kontaktlærer Tek kontakt med SNO for å avtale tidspunkt.	Skred - gruppa SNO
10.	Tysklandstur Førebygging av hat, diskriminering og ekstremisme	Våren	Kontaktlærer	Aktive fredsreiser
Foreldre-møte	Eigen plan for foreldremøte med tema etter kva som er relevant	Gjennomføre etter plan	Kontaktlærer	

KJELDER

KFK <http://kriminalitetsforebygging.no/slt/politirad/>

Kommuneplanens samfunnsdel 2016 – 2035 <http://www.vinje.kommune.no/andre-kommunale-planar/vedtekne-planar/kommuneplanens-samfunnsdel>

Kommunedelplan helse og omsorg 2017 – 2030 <http://www.vinje.kommune.no/andre-kommunale-planar/vedtekne-planar/kommunedelplan-for-helse-og-omsorg-vinje-kommune-planperiode-2017-2030>

Handlingsplan mot vald i nære relasjonar 2016 – 2019 <http://www.vinje.kommune.no/andre-kommunale-planar/vedtekne-planar>

Alkoholpolitiske retningslinjer 2016 - 2020 <http://www.vinje.kommune.no/andre-kommunale-planar/vedtekne-planar>

Rapport frå Sør – Øst politidistrikt 2018, om «Kriminalitet i og mot næringslivet – Trender og trusler»

COSP – rettleiing https://www.bufdir.no/Familie/Tilbud/Regionene/circle_of_security/

Regjeringen.no <https://www.regjeringen.no/no/id4/>

Lovdata <https://lovdata.no/>

Ungdata Vinje 2021 <http://www.ungdata.no/Fylker-og-kommuner/Telemark/Vinje>